

Projektni zadatak za usluge resursnih osoba

Angažman dvije resursne osobe za pružanje podrške u procesu uspostavljanja zajednice praktičara operatera u oblasti otpadnih voda u BiH kroz implementaciji niza radionica

- Naziv projekta:** Jačanje kapaciteta i dijalog o politikama u sektoru vodnih usluga u BiH kroz Regionalnu mrežu za jačanje kapaciteta – RCDN+
- Naziv/Svrha:** Angažman dvije resursne osobe za pružanje podrške u procesu uspostavljanja zajednice praktičara operatera u oblasti otpadnih voda u BiH kroz implementaciju niza radionica
- Trajanje:** 12 dana, u periodu od novembra 2024. godine do februara 2026. godine
- Ugovaratelj:** Udruženje za oblasti voda i zaštite okoliša “Aquasan mreža u BiH”
info@aquasanbih.ba

Novembar 2024

1. Opće informacije o Udruženju

Udruženje za oblasti voda i zaštite okoliša „Aquasan mreža u BiH“ je organizacija koja je nastala kao odgovor na izazove u sektoru voda i zaštite okoliša u BiH koji su uglavnom rezultat procesa tranzicije i decentralizacije, a s ciljem da se ojača saradnja između relevantnih sektorskih aktera, promoviraju i zagovaraju zajednički interesi sektora i omogući učenje kroz razmjenu pozitivnih iskustava, saznanja, informacija i najboljih praksi te doprinese jačanju ljudskih, organizacionih i institucionalnih kapaciteta u sektoru voda i okoliša.

Aquasan mreža u BiH ostvaruje svoju misiju umrežavanjem, saradnjom i partnerstvu s javnim institucijama i preduzećima, nevladinim organizacijama, privatnim sektorom, međunarodnim finansijskim institucijama i donatorskim organizacijama kao i podizanjem svijesti javnosti o značaju voda i okoliša.

2. Opće informacije o projektu unutar kojeg se realizuje zadatak

RCDN kao regionalna mreža za razvoj i jačanje kapaciteta usmjerena je na unapređenje poslovanja jedinica lokalne samouprave (JLS) i javnih vodovodnih/komunalnih preduzeća omogućujući okruženje za jačanje kapaciteta i uspostavu partnerstva s nacionalnim udruženjima JLS i JKP/JVP. Projekt Jačanje kapaciteta i dijalog o politikama u sektoru vodnih usluga u BiH kroz Regionalnu mrežu za jačanje kapaciteta – RCDN+ trajat će 24 mjeseca i implementirati će ga Udruženje za oblasti voda i zaštite okoliša u BiH „Aquasan mreža u BiH“. Aktivnosti projekta se nadograđuju na dostignuća prve faze projekta RCDN (maj 2017. – mart 2022.) i usmjerene su na jačanje organizacionih kapaciteta Aquasan mreže u BiH te na unapređenje politika, procesa i ljudi kako bi se unaprijedio ukupni organizacijski učinak Aquasan mreže u BiH.

Opći cilj projekta je podrška Aquasan mreži u BiH u doprinosu održivosti i kvalitetu vodnih usluga i zaštiti okoliša u BiH i drugim državama jugoistočne Evrope jačanjem kapaciteta i zalaganjem za unapređenje politike.

Specifični ciljevi projekta su:

- a) Unaprijediti kapacitete Aquasan mreže u BiH za obavljanje organizacionih funkcija u skladu sa svojim mandatom
- b) Povećati kapacitete aktera vodnih usluga da organizuju, isporučuju i razvijaju vodne usluge na efikasan i održiv način
- c) Olakšati politički dijalog u cilju poboljšanja sektora vodoprivrednih usluga u BiH i podržati stratešku saradnju.

3. Specifična pozadina Udruženja povezana sa zadatkom

Kompetencije operatera postrojenja za prečišćavanje otpadnih voda (PPOV) u Bosni i Hercegovini, uključujući entitete Republika Srpska (RS) i Federacija BiH (FBiH), trenutno su nedovoljno razvijene, što otežava održavanje i unapređenje kvaliteta vodnih usluga. Zbog ograničenog broja stručnjaka i praktičara u oblasti otpadnih voda u BiH, razmjena iskustava i uspostavljanje zajednica praktičara predstavljaju ključno rješenje koje omogućava operaterima da uče jedni od drugih. Ovo je posebno važno s obzirom na mali broj PPOV-a u BiH koji koriste različite tehnologije prečišćavanja, što dodatno usložnjava razmjenu znanja i najbolje prakse.

S obzirom na ovu situaciju, jačanje kapaciteta operatera sticanjem novih znanja i vještina ima značajan uticaj na operativnost postrojenja, a time i na cjelokupno funkcionisanje sektora otpadnih voda u BiH. Kroz uspostavljanje zajednice praktičara, Aquasan mreža u BiH prepoznaje potrebu za održivim pristupom razvoju kapaciteta operatera PPOV-a u zemlji, čime direktno doprinosi poboljšanju kvaliteta vodnih usluga i zaštiti okoliša.

U cilju podrške profesionalnom razvoju operatera i unapređenju efikasnosti u radu PPOV-a, Aquasan mreža u BiH će fasilitirati uspostavljanje i organizaciju zajednice praktičara, omogućavajući kontinuiranu razmjenu znanja i iskustava među ključnim akterima u sektoru. Ova aktivnost će uključivati organizaciju i vođenje tri radionice, uz mogućnost organizacije i četvrte radionice, koje će biti usmjerene na jačanje kapaciteta kroz interne konsultacije i angažman resursnih osoba. Kroz ovaj pristup Aquasan mreža u BiH nastoji podržati sve interesne strane u efikasnoj i održivoj organizaciji, isporuci i razvoju vodnih usluga.

4. Osnovni obim zadatka

Ključni ciljevi, zadaci i odgovornosti resursnih osoba

U svrhu postizanja općih i specifičnih ciljeva Projekta, Aquasan mreža u BiH će angažirati dvije resursne osobe koji će u okviru zadataka pružiti podršku u procesu uspostavljanja zajednice praktičara operatera PPOV u BiH kroz implementaciju niza radionica koje će se održati u periodu od novembra 2024. godine do februara 2026. godine.

Osnovni cilj

Pružiti podršku Aquasan mreži u BiH u pripremi i realizaciji niza radionica za uspostavljanje zajednice praktičara operatera PPOV u BiH.

Specifični ciljevi:

Specifični ciljevi zadatka su:

- a) Podržati mobilizaciju i posvećenost operatera PPOV za uspostavu zajednice praktičara u BiH
- b) Podržati proces uspostavljanja zajednice praktičara operatera PPOV u BiH
- c) Podržati proces validacije zajednice praktičara operatera PPOV u BiH i planiranje budućih aktivnosti

Specifični cilj 1: Podržati mobilizaciju i posvećenost operatera PPOV za uspostavu zajednice praktičara u BiH

Resursne osobe će:

- Pružiti podršku Aquasan mreži u BiH u pripremi prve radionice koja za cilj ima mobilizaciju i osiguranje posvećenosti operatera za uspostavu mrežne strukture zajednice praktičara PPOV u BiH
- Pružiti podršku Aquasan mreži u BiH u realizaciji i izvještavanju s prve radionice

Specifični cilj 2: Podržati proces uspostavljanja zajednice praktičara operatera PPOV u BiH

Resursne osobe će:

- Pružiti podršku Aquasan mreži u BiH u pripremi druge radionice koja za cilj ima osiguranje rada zajednice praktičara PPOV u BiH i razmjenu znanja
- Pružiti podršku Aquasan mreži u BiH u realizaciji i izvještavanju s druge radionice

Specifični cilj 3: Podržati proces validacije zajednice praktičara operatera PPOV u BiH i planiranje budućih aktivnosti

Resursne osobe će:

- Pružiti podršku Aquasan mreži u BiH u pripremi treće radionice koja za cilj ima validiranje procesa uspostave zajednice praktičara PPOV u BiH i planiranje narednih koraka
- Pružiti podršku Aquasan mreži u BiH u realizaciji i izvještavanju s treće radionice

Sljedeća tabela pruža pregled opisa zadataka, očekivane predmete isporuka, kao i procijenjeni broj dana za obavljanje zadataka:

Zadaci resursnih osoba	Opis zadatka i očekivani predmet isporuke	Procijenjeni dani angažmana
Specifični cilj 1: Podržati mobilizaciju i posvećenost operatera PPOV za uspostavu zajednice praktičara u BiH		
Pružiti podršku Aquasan mreži u BiH u pripremi prve radionice	<p>Izrada nacrtu pregleda stanja upravljanja PPOV u BiH na osnovu podataka prikupljenih i dostavljenih od strane Aquasan mreže u BiH. Usaglašavanje dokumenta s Aquasan mrežom u BiH i finaliziranje prema zaprimljenim komentarima.</p> <p>Izrada nacrtu vježbi i uputstva za rad u radnim grupama i finaliziranje istih u skladu s komentarima Aquasan mreže u BiH.</p> <p>Očekivani predmet isporuke je pregled stanja upravljanja PPOV u BiH, vježbe i uputstva za rad u radnim grupama.</p>	1,5
Pružiti podršku Aquasan mreži u BiH u realizaciji i izvještavanju s prve radionice	<p>Učestovanje na radionici i doprinos realizaciji ciljeva prve dvodnevne radionice s naglaskom na podršku u realizaciji rada u radnim grupama. Izrada izvještaja s radionice i finaliziranje u skladu s komentarima Aquasan mreže u BiH.</p> <p>Očekivani predmet isporuke je izvještaj s prve radionice.</p>	2,5
Specifični cilj 2: Podržati proces uspostavljanja zajednice praktičara operatera PPOV u BiH		
Pružiti podršku Aquasan mreži u BiH u pripremi druge radionice	<p>Razrada strukture predložka akcionog plana koji će omogućiti operaterima PPOV jasno mapiranje koraka i odgovornosti za implementaciju preporuka sa provedene misije procjene početnog stanja te izrada uputstva za rad u radnim grupama koji će se fokusirati na izradu akcionog plana za implementaciju navedenih preporuka.</p> <p>Očekivani predmet isporuke su predložak akcionog plana i uputstva za rad u radnim grupama.</p>	1,5
Pružiti podršku Aquasan mreži u BiH u realizaciji i izvještavanju s druge radionice	<p>Učestovanje na radionici i doprinos realizaciji ciljeva druge dvodnevne radionice s naglaskom na podršku u realizaciji rada u radnim grupama. Izrada izvještaja s radionice i finaliziranje u skladu s komentarima Aquasan mreže u BiH.</p> <p>Očekivani predmet isporuke je izvještaj s druge radionice.</p>	2,5
Specifični cilj 3: Podržati proces validacije zajednice praktičara operatera PPOV u BiH i planiranje budućih aktivnosti		
		1,5

Pružiti podršku Aquasan mreži u BiH u pripremi treće radionice	Izrada nacrtu vježbi i uputstva za rad u radnim grupama na specifičnu temu i finaliziranje istih u skladu s komentarima Aquasan mreže u BiH. Očekivani predmet isporuke su vježbe i uputstva za rad u radnim grupama.	
Pružiti podršku Aquasan mreži u BiH u realizaciji i izvještavanju s treće radionice	Učestovanje na radionici i doprinos realizaciji ciljeva treće dvodnevne radionice s naglaskom na podršku u realizaciji rada u radnim grupama. Izrada izvještaja s radionice i finaliziranje u skladu s komentarima Aquasan mreže u BiH. Očekivani predmet isporuke je izvještaj s treće radionice.	2,5
Ukupni procijenjeni dani angažmana po resursnoj osobi		12

5. Potrebne kvalifikacije i specijalizirano znanje / iskustvo

Potrebno je da ponuđač ima potrebne stručnost i odlično poznavanje sektora vodnih usluga i zaštite okoliša u BiH, ali i u jugoistočnoj Evropi.

Ponuđač treba posjedovati diplomu visokog obrazovanja najmanje VII stepen stručne spreme, odnosno visoko obrazovanje prvog (240 ECTS bodova), drugog ili trećeg ciklusa Bolonjskog sistema studiranja.

Isto tako, ponuđači treba da:

- imaju relevantno iskustvo i znanje o sektoru vodnih usluga
- poznaju rad i imaju iskustva u radu s nevladinim organizacijama
- imaju iskustvo u radu s JKP/JVP u BiH
- imaju iskustvo u organizaciji radionica i obuka
- posjeduju odlične prezentacijske i komunikacijske vještine
- odlično poznaju Microsoft Office programski paket
- poznavanje engleskog jezika je prednost

U razmatranje će se isključivo uzeti prijave kandidata koji ispunjavaju sve tražene uslove.

6. Zadaci Ugovaratelja

Ugovaratelj je Udruženje za oblasti voda i zaštite okoliša „Aquasan mreža u BiH“. Da bi se osigurala nesmetana provedba aktivnosti, a zbog prethodno opisanog opsega posla, Ugovaratelj će osigurati:

- Pristup svim relevantnim dokumentima koji se odnose na predmetne zadatke
- Podrška na zahtjev u komunikaciji i saradnji sa svim relevantnim predstavnicima Udruženja

7. Finansijska ponuda

Finansijska ponuda treba biti izražena u konvertibilnim markama (KM), s ukupnim ponuđenim iznosom i pojedinačnom cijenom dana koji uključuju sve pripadajuće poreze i obaveze koje je ponuđač dužan platiti te popratne troškove kao što su putni troškovi, osiguranje, troškovi komunikacije i sve ostale troškove koji mogu nastati u toku izvršenja ugovorenih obaveza.